

Diteng

Kanegelo ya 1:

A re ba lebogeng.....2



Kanegelo ya 2:

Re a swarišana.....9



EXTRACT PAGES

A re ba lebogeng

Dipotšišo tša pele ga go bala

1. Hlatholla seswantšho sa ka ntle ga puku ye.
2. O na le bathuši ka gae?
3. Ba šoma go dira eng?



Batho ba ba bohlokwa kudu maphelong a rena. Ba dira gore re dule mo go hlwekilego ka mehla. Ba bangwe ba šoma ka malapeng a gaborena. Ba a re apeela, ba re aenela le go hlwekiša.



O nagana gore batho
ba ba dira eng?

Ge phaephe e pategile o bitša mang?
Batho ba ba re lokišetša diphaephe tša go
palega. Ba re lokišetša gape le dikisara ka
magae. Ba re tsenyetša diphaephe gore re
be le meetse.



Ekaba ba bona o a ba tseba? Aowa, ga se maphodisa, ke baletakgoro. Ba šireletša difeme, dipanka le meago ye megolo. Ba šireletša gape dikoloi tša go sepediša tšhelete.



Akanya gore monamedi wa sethuthuthu o ya kae.



Ba bangwe ba go re thuša ka go re fokoletša leemaema šeba. Ba re bolokela nako, ra hwetša tša mabenkeleng re le ka gae. O kgona go hwetša direkwa China, tša go latelela ka gae. Ge o swerwe ke tlala, monna wa sethuthuthu o tliša dijo ka gae. Ba re fokoletša go utswetšwa mabenkeleng le dikotsi mebileng.



Re leboga le ramahlale a tša theknolotši
ka menagano ya maphefo. Ka didirišwa
tša theknolotši, re di roma mabenkeleng
re nabile maoto. Re tsena ka lebenkeleng
ka menwana fela, ra kgetha tša
mmamoratwa. Molaetša wa fihla go bona
ka bjako, ba reka ba re tlišetša tšona.
Bahlami ba didirišwa tše ba re bolokela
nako, ba re nolofaletša bophelo.



Ekaba diaparo tše
ba di aperego di
bолокеgile?

Batho ba ba dulago ba le komana
madula a bapile. Ba thušo ya pele ba ba re
hlaganelago ge re hlaba mokgoši.
Batimamello bao ba beago le maphelo a
bona kotsing go thuša setšhaba. Re fela re
ekwa ka bao ba hwelago ka malakabjeng
a mollo. A meoya ya bona e robale ka
khutšo go fihlela re kopana.



Ba bangwe ba go dira gore re se šarelwe tseleng šeba. Ke ba go goga dikoloi tšeo di se sa kgonago go itshepetša. O tla hwetša di bepulane nke ke mma le ngwana. Ge ba se gona, o ka amogwa tšohle ke bafeti. Le bona bagogi ba dikoloi ba šoma ga boima ka mehla.

Re a swarišana

Dipotšišo tša pele ga go bala

1. O akanya gore puku ye e bolela ka eng?
2. O hlahlwa ke eng go ka akanya bjalo?
3. O ka rata go e balela mogwera? Efa lebaka la karabo ya gago.



Mang le mang o na le ka moo a ka holago bangwe. Batho bao re phelago le bona tikologong ba a re thuša. Go thoma ka gae ka moo re dulago le mafelong a mangwe. Ye nngwe thušo rena batho re fela re sa e ele tlhoko.



Tšatši ka tšatši ba lapa la ga Kwanang ba tšwa ka moka. Ka mehla ge ba tloga go šala mmame wa go ba thuša. Gape se se ra gore mmame o ba hlokomelela motse, a šoma. O šala a dira tšohle tšeo ba ka se kgonego go itirela. Go thoma ka go swiela ntlo, go fihla go apeyeng ga dilalelo.



Mešomo go e dirwago ke mmane, ba be ba tla e dira neng? Gape ba fetša letšatši ka moka mešomong ba boa ba lapile. Bana ba be ba tla hwetša mang gae ge ba boa dikolong? Kgodišo ya bana e diatleng tša bona ka ge ba ehlwa nabo. Bommamogolo, bommane le bosesi ba go thuša ka magae ba hola kudu.



O rata eng ka
seswantšho se?

Dilo di šano di direga ka legaeng la bona ba se gona. Ge ba boa lapeng, ba hwetša go le borutho gape go hlwekile. Mmane o a hlwekiša, o a apea a be a hlwatswe diaparo. Nkweng le Kwano ge ba boa sekolong mmame o ba fa dijo. Batswadi ba bona ge ba boa mathapama ba hwetša ba bolokegile.